

1. Heit isch mr des alles a klois bißle arg
Aber mir waret wild, altklug, grad 20 Johr
An bunda Käfer hann i geht ond ausgsäh hämmer stark
Birkenstock, Latzhos ond lange Hoor

2. Marschiert semmer für dr Frieda gega Ozon und für dr Wald
Gläsa hemmer Global 2000 und Mitscherlichs
Hänt im Plenum diskutiert: Horchet zu, die Katastrophe, die kommt bald
Abber gwißt hämmer vom Läba eigentlich nichts

Refr.

**Viel Ahnung hämmern et ghet, aber des war eigentlich au egal
Weil unser Auftrag war klar: Rettung von Welt und Frieda
Onser Leichtigkeit des Seins und mir als Weldaretter, des war
brudal
Warets meine beschte Johr? I han me no net entschieda.**

3. Die Frauä hännt eifrig gsucht, nach dem unmännliche Mo
Von wega, das Weibe, das so ewig lockt (war wohl nex)
Ons Matschos hat mr beibrocht, daß mr Gefühle zeiga ko
Ond daß mr sich aufm Klo endlich nohockt.

4. Glacht hämmer über die Kerle mit Bausparverträg ond so
Des waret doch voll die subberblende Spießer
Hännt unablässig graucht, aber des Gemüse fei Bio
Wir waret halt politsch korrekte Genießer.

Refr...

5 . Menscha-, Lichterketta, mir waret voll em Recht
waret jung, voller Glauba, mit klarem Ziel
a bißle davo heit, bei Gott das wär net schlecht
und den Rescht: na ja gwißt hämmer eigentlich net so viel

Refr...